

Psal. 89.
(90.) 5.

355.

1. Ioh. 2, 18.

quia scriptum est: *Mille anni ante oculos tuos, tanquam dies unus*, ut, quicquid per eosdem mille annos gereretur, novissimo tempore vel novissimo die diceretur geri. Iterum enim dico, quod in hac causa sæpe dicendum est: Consideremus, ante quam multos annos dixerit beatus Joannes Evangelista: *Novissima hora est*. Nam si tunc essemus, hoc audito, quando crederemus tot annos postea transituros, ac non potius, ipso adhuc Joanne in corpore constituto, Dominum sperare esse venturum? Neque enim dixit: *Novissimum tempus est*, aut *novissimus annus*, aut *mensis*, aut *dies*: sed; *novissima hora est*. Et ecce ista hora quam longa est! Nec tamen est ille mentitus: sed utique intelligendus est *horam* pro tempore posuisse. Quod nonnulli sic accipiunt, ut sex annorum millia constituant, velut unum diem, eumque in partes, velut horas duodecim, partiantur, ut sic quingentos annos postremos hora videatur habere postrema: In quibus annis iam Joannes, inquit, loquebatur, quando novissimam horam esse dicebat. Sed aliud est, nōsse aliquid; aliud, suspicari. Cur enim non potius, si sex annorum millia deputandus est unus dies, non duodecima, sed vicesima quarta pars ejus una hora est; id est, non quingenti, sed CCL. anni? Totus enim dies, totus circumitus solis verius nuncupatur, non ab oriente usque in occidentem, sed ab oriente usque in orientem, unde, toto die peracto, id est, viginti & quatuor horis, rursus exoritur: ac per hoc hora ista novissima, ex quo tempore id locutus est Joannes, ante ferme septuaginta annos, ut minimum dicam, jam reperitur esse transacta, & nondum venit terminus seculi. Huc accedit, quia inspectâ diligenter historiâ ecclesiasticâ, reperitur Joannes Apostolus longè antè fuisse defunctus, quam quinque millia quingenti anni à generis humani exordio complerentur. Nondum erat itaque hora novissima, si sex millium annorum pars duodecima, id est, quingenti anni, velut unius horæ spatium deputatur. Porro si secundum Scripturas unum diem mille annos esse donamus, multo magis olim, transiit tam longæ diei hora novissima: non dico; si vicesima quarta pars ejus, qui sunt anni paulo ampliùs quadraginta; sed si duodecima deputetur, quæ illos annos duplos habet. Unde convenientiùs ille Apostolus creditur *horam* posuisse pro tempore, quæ hora quam longa sit, ignoramus; quia *non est nostrum, scire tempora, quæ Pater posuit in sua potestate*: quamvis eam novissimam esse noverimus, multo magis utique nos, quam qui fuerunt ante nos, ex quo esse vel dici cœpit hora novissima.

* *Al. ponamus*

Act. 1, 7.

Quòd autem ideo videtur Venerationi tuæ comprehendi non posse temporum mensuras, ut definiatur, quo anno futurus est finis; quia, secundum promissionem Domini, *breviabuntur dies illi*, prorsus

23.

NON